

二經同卷

力九

佛說大乘聖無量壽決定光明王如來陀

羅尼經

佛說大乘聖吉祥持世陀羅尼經

佛說大乘聖無量壽決定光明王如來陀羅
力九
尼經

宋西天中印度摩伽陀國三藏傳教大師法天奉詔譯

如是我聞一時世尊在舍衛國祇樹給孤獨
園與大苾芻衆千二百五十人俱皆是漏盡

意解無復煩惱逮得已利心善解脫衆所知
識大阿羅漢復有智慧廣大功德莊嚴威儀
具足諸尊菩薩摩訶薩等爲聞法故皆悉來
集於衆會中有大慧妙吉祥菩薩摩訶薩而
爲上首爾時釋迦牟尼佛愍念未來世中一
切短命衆生令增壽命得大利益爲說不可
思議祕密甚深微妙勝法是時世尊告大慧
妙吉祥菩薩言汝等諦聽從是南閻浮提西
方過無量佛土有世界名無量功德藏國土
嚴麗衆寶間飾清淨殊勝安隱快樂超過十

方微妙第一於彼無量功德藏世界之中有
佛名無量壽決定光明王如來無上正等菩
提今現住彼世界之中起大慈悲爲諸衆生
演說妙法令獲殊勝利益安樂佛復告妙吉
祥菩薩言今此閻浮提世界中人壽命百歲
於中多有造諸惡業而復中天妙吉祥菩薩
若有衆生得見此無量壽決定光明王如來
陀羅尼經功德殊勝及聞名號若自書寫若
教他人書是經竟或於自舍宅或於高樓或
安精舍殿堂之中受持讀誦遵奉禮拜種種

妙華燒香𦰩香塗香華鬘等供養無量壽決
定光明王如來陀羅尼經如是短壽之人若
能志心書寫受持讀誦供養禮拜如是之人
復增壽命滿於百歲復次妙吉祥菩薩若有
衆生聞是無量壽決定光明王如來名號若
能志心稱念一百八遍如此短命衆生復增
壽命或但聞其名號志心信受尊崇之者是
人亦得增益壽命復次妙吉祥菩薩若有恒
時心無暫捨志誠思求妙法善男子善女人
等汝應諦聽我今爲說無量壽決定光明王

如來一百八名陀羅尼曰

曩謨引婆聲去誡縛無可切帝阿播哩弭路引愈

轉寬野合二曩素聲上尾鞞寧吉切室止合二怛帝咀

仁祖囉引惹仁佐切野怛他引誡哆引野引囉

賀合二帝三聲去麼藥合二訖三合二沒馱引野怛你

也合二他聲去唵引薩轉舌縛無可切僧塞迦合二

囉波哩舜馱達他割切唎麼合二帝誡誡曩三聲去

毋努藥合二帝娑縛短呼娑聲縛尾舜弟麼

賀引曩野波哩縛引黎娑縛合二賀引

妙吉祥菩薩此無量壽決定光明王如來一

百八名陀羅尼若有人躬自書寫或教他人

書是陀羅尼安置高樓之上或殿堂內清淨

之處如法嚴飾種種供養短命之人復得長

壽滿足百歲如是之人於後此處命終便得

往生於彼無量壽決定光明王如來佛刹無

量功德藏世界之中力九當釋迦牟尼佛說此無

量壽決定光明王如來陀羅尼經時有九十

九俱胝佛一心異口同音亦說此無量壽決

定光明王如來陀羅尼經是時復有八十四

俱胝佛一心異口同音亦說此無量壽決定

光明王如來陀羅尼經是時復有七十七俱
胝佛一心異口同音亦說此無量壽決定光
明王如來陀羅尼經是時復有六十六俱胝
佛一心異口同音亦說此無量壽決定光明
王如來陀羅尼經是時復有五十五俱胝佛
一心異口同音亦說此無量壽決定光明王
如來陀羅尼經是時復有四十四俱胝佛一
心異口同音亦說此無量壽決定光明王如
來陀羅尼經是時復有三十六俱胝佛一心
異口同音亦說此無量壽決定光明王如來

陀羅尼經是時復有二十五俱胝佛一心異
口同音亦說此無量壽決定光明王如來陀
羅尼經是時復有十苑伽河沙數俱胝佛各
各心無差別異口同音亦皆說此無量壽決
定光明王如來陀羅尼經此陀羅尼經若復
有人若自書若教人書如是之人於後不墮
地獄不墮餓鬼不墮畜生不墮閻羅王界業
道冥官永不於是諸惡道中受其惡報如是
之人由是書寫無量壽決定光明王如來陀
羅尼經功德力故於後一切生處生生世世

得宿命智此無量壽決定光明王如來陀羅尼經若自書若教人書如是之人則同書寫八萬四千法藏所獲功德而無有異此無量壽決定光明王如來陀羅尼經若復有人若自書若教人書如是之人便同修建八萬四千寶塔所獲功德而無有異此無量壽決定光明王如來陀羅尼經若自書若教人書如是之人若有五無間地獄之業由是功德力故其業皆悉消除此無量壽決定光明王如來陀羅尼經若自書若教人書如是之人不

墮魔王及魔眷屬不墮藥叉羅刹道中不墮非橫死亡永不受是諸惡果報此無量壽決定光明王如來陀羅尼經若自書若教人書如是之人臨命終時有九十九俱胝佛而現其前來迎是人往生於彼佛國土中汝等勿生疑惑此無量壽決定光明王如來陀羅尼經若自書若教人書如是之人當來永不受其女人之身此無量壽決定光明王如來陀羅尼經若自書若教人書如是之人常得東方彥達嚩主持國天王南方矩伴拏主增長

天王西方大龍主廣目天王北方大藥叉主
多聞天王密隱其身隨逐衛護若復有人爲
於此經能以少分財寶布施之者是人便同
以三千大千世界滿中金銀瑠璃碑礫碼碯
珊瑚琥珀如是七寶盡持布施若復有人供
力九養此經典者便同供養一切真實法藏若復
五有人能持上妙七寶供養毗婆尸試棄毗舍
浮俱留孫揭諾揭牟尼迦設波釋迦牟尼如
來應正等覺所獲福德不能度量知其數量
若復有人供養此無量壽決定光明王如來

陀羅尼經所獲福德亦復不能度量知其限
量又如四大海水充滿其中不能得知一一
滴數若復有人書寫供養受持讀誦此無量
壽決定光明王如來陀羅尼經所獲福德亦
復不能度量知其限數若復有人書寫是無
量壽決定光明王如來陀羅尼經處所地位
則是成就諸佛真身舍利寶塔應尊重禮拜
若有衆生耳聞此陀羅尼者此之衆生永不
受飛鳥四足多足異類之身當來速得成就
不退轉無上正等菩提若復有人積聚金銀

瑠璃碑礫碼碼珊瑚琥珀如是七寶如妙高山王盡能捨施所獲福德不可度量知其數量若復有人爲此無量壽決定光明王如來陀羅尼經而能布施之者所得福德亦復不能度量知其限數若復有人書寫此無量壽決定光明王如來陀羅尼經禮拜供養者如是之人則爲禮拜供養十方諸佛刹土一切如來而無有異爾時釋迦牟尼世尊說是伽他曰

修行布施力成就 布施力故得成佛

若入大悲精室中	耳暫聞此陀羅尼
設使布施未圓滿	是人速證天人師
修行持戒力成就	持戒力故得成佛
若入大悲精室中	耳暫聞此陀羅尼
設使持戒未圓滿	是人速證天人師
修行忍辱力成就	忍辱力故得成佛
若入大悲精室中	耳暫聞此陀羅尼
設使忍辱未圓滿	是人速證天人師
修行精進力成就	精進力故得成佛
若入大悲精室中	耳暫聞此陀羅尼

設使精進未圓滿 是人速證天人師
修行禪定力成就 禪定力故得成佛
若入大悲精室中 耳暫聞此陀羅尼
設使禪定未圓滿 是人速證天人師
修行智慧力成就 智慧力故得成佛
若入大悲精室中 耳暫聞此陀羅尼
設使智慧未圓滿 是人速證天人師
佛說是經已諸大苾芻衆及諸菩薩一切世
間天人阿素囉彥闍嚩等聞佛所說皆大歡
喜信受奉行

佛說大乘聖無量壽決定光明王如來陀羅
尼經

佛說大乘聖吉祥持世陀羅尼經

宋西天中印度摩伽陀國三藏傳教大師法天奉詔譯

如是我聞一時世尊在憍睺彌國大棘林中
與大比丘衆四百五十人俱皆是衆所知識
大阿羅漢并諸菩薩摩訶薩諸佛法衆悉來